



Republika e Kosovës
Republika Kosova-Republic of Kosovo
Qeveria –Vlada-Government

Ministria e Arsimit, e Shkencës dhe e Teknologjisë/ Ministarstvo za Obrazovanje, Nauku i Tehnologiju/ Ministry of Education, Science and Technology

Në bazë të Rregullores MF- Nr. – 04/2017 mbi Kriteret, Standardet dhe Procedurat e Financimit Publik të OJQ-ve, Sekretari i përgjithshëm i Ministrisë së Arsimit, Shkencës dhe Teknologjisë *nxjerr këtë:*

VENDIM

Për shpalljen e thirrjes publike për mbështetje financiare publike për projekte/programe të organizatave joqeveritare në fushat:

- Orientimi në karrierë i nxënësve në arsimin parauniversitar dhe studentëve në arsimin e lartë;
- Organizimi i programeve shkëmbyese të nxënësve/studentëve me shkolla, universitete jashtë Kosovës;
- Trajtimi i sjelljes së palëve të interesit ndaj fëmijëve me autizëm;
- Sensibilizimi i nxënësve në kontekst vetëdijesues zhvillimor;
- Mbështetje për edukimin e fëmijëve të braktisur dhe pa kujdesje prindërore;
- Parandalimi i dukurive negative në arsimin parauniversitar dhe atë të lartë;
- Aktivitete relevante zhvillimore në shkolla/institucione të arsimit të lartë;
- Hulumtimet/iniciativa relevante me karakter zhvillimor edukativ apo të përmirësimit të procesit të mësimdhënies dhe mësimnxënies në arsim;
- Ngritja e vetëdijes së palëve të interesit lidhur me sigurinë ose parandalimin e dhunës ose braktisjes në shkolla;
- Hulumtimi ose përmirësimi i cilësisë së mësimdhënies dhe mësimnxënies në shkolla ose institucione të arsimit të lartë;
- Aplikimi i inovacioneve në sferën e mësimdhënies dhe mësimnxënies në shkolla ose institucione të arsimit të lartë;
- Zhvillimi i kapaciteteve profesionale të nxënësve, studentëve apo palëve tjera relevante të interesit në arsimin parauniversitar dhe atë të lartë në shkrimin dhe menaxhimin e projekteve, menaxhim të cilësisë, inovacioneve apo çështje tjera me interes në funksion të përmirësimit të procesit ose sistemit të mësimdhënies a mësimnxënies.

I

1. Për implementimin e thirrjes publike do të zbatohen dispozitat e rregullores mbi kriteret, standardet dhe procedurat e financimit publik të OJQ-ve.

2. Mbështetja financiare publike për projektet/programet e OJQ-ve do të ofrohet nga Buxheti i Kosovës, kodi ekonomik 21200, në kuadër të programit/nënprogramit për subvencione dhe transfere në Administratën Qendrore.

II

Mjetet do të shpërndahen në bazë të thirrjes publike për financimin e projekteve të OJQ-ve, sipas dokumentacionit për zbatimin e thirrjes, e cila është pjesë përbërëse e këtij vendimi.

III

1. Dokumentacioni për zbatimin e thirrjes sipas pikës II të këtij vendimi përfshin:
 - 1) Tekstin e thirrjes publike
 - 2) Udhëzimet për aplikuesit
 - 3) Formularët e aplikimit
 - 4) Forma për vlerësimin e cilësisë së projekteve
 - 5) Format për raportimin e zbatimit të projektit.
2. Formularët e aplikimit referuar në paragrafin 1 të këtij neni janë:
 - 1) Forma e përshkrimit të programit apo projektit
 - 2) Forma e buxhetit të programit apo projektit
 - 3) Forma e deklarimit të mungesës së fondeve të dyfishta
 - 4) Deklaratat e Partneritetit (nëse është e aplikueshme)
 - 5) Forma e deklaratës së programeve apo projekteve të OJQ-ve të financuara nga burimet publike
 - 6) Deklarata për aktivitetet e kontraktorit e përmendur në përshkrimin e aktiviteteve të projektit që janë të njohur me programin ose projektin dhe pjesëmarrjen e tyre në zbatimin (nëse aplikohet).
3. Formularët për zbatimin dhe raportimin e projekteve të referuara në paragrafin 1 të këtij neni janë:
 - 1) Forma e kontratës për financimin e programit apo projektit
 - 2) Formulari për përgatitjen e raportit narrativ për projektin apo programin
 - 3) Formulari për përgatitjen e raportit financiar të programit apo projektit.

IV

Thirrja publike dhe dokumentacioni për zbatimin e thirrjes do të publikohen në mënyrë të plotë në faqen e internetit të ofruesit të burimeve financiare: <http://masht.rks-gov.net/>

V

1. Në përputhje me Rregulloren për kriteret, standardet dhe procedurat e financimit publik për OJQ-të dhe udhëzuesit për aplikuesit, ofruesi i mbështetjes financiare publike do të krijojë një Komision Vlerësues për hapjen dhe regjistrimin e aplikacioneve si dhe verifikimin e kushteve të përcaktuara të thirrjes publike.
2. Komisioni vlerësues do të bëjë vlerësimin e përmbajtjes së aplikacioneve të projekteve të pranuar që kanë përmbushur me sukses kushtet formale për të qenë pjesë e konkurrimit sipas paragrafit 1 të këtij neni.
3. Anëtarët e Komisionit Vlerësues do të punojnë në përputhje me procedurën e përcaktuar në Udhëzimet për aplikuesit dhe rregullat e parapara me rregulloren për financimin publik të OJQ-ve.

VI.

1. Pasi të merret vendimi mbi aplikuesit e suksesshëm, projektet e të cilëve i plotësojnë kushtet për financim, udhëheqësi i institucionit merr vendim për ndarjen e mjeteve për financimin e projekteve/programeve të OJQ-ve.

2. Ofruesi i mbështetjes financiare do të njoftoj përfituesit për kohën e nënshkrimit të kontratave.
3. Përgjegjës për zbatimin e këtij vendimi është Zyra e Sekretarit të përgjithshëm në MASHT

IX.

Ky vendim hyn në fuqi pas nënshkrimit.

Ekrem Kastrati

Sekretar i përgjithshëm

